



Broj: 03/7-01-02-1-2385/24

Sarajevo, 2. 12. 2024.

**Parlamentarna skupština BiH
Kolegij Predstavničkog doma
Ustavnopravna komisija Predstavničkog doma**

02-12-2024

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24) i čl. 1. i 2. Jedinstvenih pravila za izradu pravnih propisa u institucijama BiH („Službeni glasnik BiH“, br. 11/05, 58/14, 60/14, 50/17, 70/17 i 10/21), Zakonodavno-pravni sektor Zajedničke službe Sekretarijata Parlamentarne skupštine BiH daje sljedeće

MIŠLJENJE

o Prijedlogu zakona o dopuni Zakona o plaćama i naknadama u institucijama Bosne i Hercegovine

I. Zakonodavno-pravni sektor Zajedničke službe Sekretarijata Parlamentarne skupštine BiH (u daljnjem tekstu: Zakonodavno-pravni sektor) zaprimio je 2. 12. 2024. dopis predsjedavajućeg Predstavničkog doma Parlamentarne skupštine BiH, broj: 01-02-1-2385/24 od 28. 11. 2024, kojim se, u skladu s članom 106. stav (1) Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Poslovnik), dostavlja Prijedlog zakona o dopuni Zakona o plaćama i naknadama u institucijama Bosne i Hercegovine (u daljnjem tekstu: Prijedlog zakona), predlagača: Šerifa Špage, Edina Ramića, Safeta Keše, Amora Mašovića, Nermina Mandre, Denijala Tulumovića, Midhata Čauševića i Šemsudina Dedića, poslanika u Predstavničkom domu Parlamentarne skupštine BiH, radi davanja mišljenja o usklađenosti s članom 105. Poslovnika i Jedinstvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinstvena pravila).


U nastavku Zakonodavno-pravni sektor cijenio je usklađenost Prijedloga zakona s Poslovnikom, te je konstatirano da su poslanici: Šerif Špago, Edin Ramić, Safet Kešo, Amor Mašović, Nermin Mandra, Denijal Tulumović, Midhat Čaušević i Šemsudin Dedić ovlašteni predlagači, u skladu s članom 104. Poslovnika. Prijedlog zakona podnesen je u skladu s članom 105. stav (1) Poslovnika, u pisanoj i elektronskoj formi na bosanskom jeziku. Također, u skladu s članom 105. stav (3) Poslovnika, konstatira se da dostavljeno obrazloženje Prijedloga zakona sadrži sve elemente propisane članom 105. stav (3) tač. a), b), c) i d) Poslovnika. Kada su poslanici predlagači zakona, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma, u skladu s članom 105. stav (3) tačka e) i stav (4) Poslovnika.

Uz Prijedlog zakona priložen je prečišćeni tekst zakona, ali nije priložena odredba člana koji se dopunjuje, kako je to propisano članom 105. stav (5) Poslovnika, zbog čega ukazujemo na stav (6) ovog člana prema kojem Kolegij Doma traži od predlagača da u roku od sedam dana ispravi nedostatke.

II. U pogledu usklađenosti s Jedinstvenim pravilima, konstatira se da je Prijedlog zakona izrađen na način da odgovara nomotehničkim pravilima, odnosno da svojom strukturom, formom i stilom odražava pravila izrade pravnih propisa, kako je to i propisano Jedinstvenim pravilima.

Također, uvidom u tekst važećeg zakona utvrđeno je da se sastoji od osnovnog teksta i 17 izmjena i/ili dopuna, što je razlog zbog kojeg ukazujemo na član 46. Jedinstvenih pravila (Svrha i obim izmjena i dopuna), te član 54a. (Novelacija teksta propisa), na šta upućuje i član 67. (Revizija postojećih propisa Jedinstvenih pravila).

Rukovodilac
Zakonodavno-pravnog sektora

Bojan Šehoyac


Dostaviti:

- naslovu
- a/a